

ნინო ლომჯარია - ბევრ საკითხზე სრული თანხმობა გვაქვს, ყველა ვთანხმდებით, რომ დიდი ზომის პანსიონები არ არის სწორი ბავშვებისთვის



სახალხო დამცველი ნინო ლომჯარია საქართველოს საპატრიარქოს წმინდა ანდრია პირველწოდებულის სახელობის ქართულ უნივერსიტეტში ნინოწმინდის პანსიონის ხელმძღვანელ, მეუფე იაკობთან შეხვედრის შემდეგ აცხადებს, რომ ბავშვების ინტერესებთან მიმართებით, ბევრ საკითხთან დაკავშირებით სრული თანხმობა აქვთ.

„ძალიან პოზიტიური, კეთილგანწყობილი საუბრები იყო, არანაირი დაძაბულობა არ ყოფილა. ბევრ საკითხთან დაკავშირებით ჩვენ გვაქვს სრული თანხმობა ბავშვების ინტერესებთან მიმართებით. კითხვა-პასუხი არ ყოფილა, უფრო მეტად იყო ჩვენი შთაბეჭდილებები და საუბრები პანსიონში არსებულ მდგომარეობასთან დაკავშირებით“, – აღნიშნა ლომჯარიამ.

რაც შეეხება პანსიონიდან ბავშვების გაყვანის საკითხს, სახალხო დამცველის თქმით, სოციალური სამსახური აგრძელებს ბავშვების საჭიროებების შეფასებას და გადანყვეტილებებიც ამის მიხედვით მიიღება.

„ჩვენ შევთანხმდით, რომ სოციალური სამსახური აგრძელებს ბავშვების საჭიროებების შეფასებას და როგორც იქნება გადანყვეტილი თითოეული ბავშვის საჭიროებიდან გამომდინარე, ისე განვითარდება მოვლენები“, – განაცხადა ლომჯარიამ.

ამასთან, ნინო ლომჯარიას განმარტებით, დიდი ზომის პანსიონები არ არის სწორი ბავშვებისთვის, რაზეც ყველა თანხმდება.

„ჩვენ ყველანი ვთანხმდებით, რომ დიდი ზომის პანსიონები არ არის სწორი ბავშვებისთვის, ასევე შევთანხმდით, რომ სახალხო დამცველს, შესაბამის სპეციალისტებს უნდა შეეძლოთ მონიტორინგის განხორციელება. შევთანხმდით იმაზე, რომ ალბათ, მომავალი კვირის ბოლოს ერთად წავალთ პანსიონში, რათა ვნახოთ სიტუაცია, მეც გავესაუბრო ბავშვებს, მოვხსნათ არსებული დაძაბულობა და მივიღე პირობა, რომ ამის შემდეგ ჩვენ უპრობლემოდ განვახორციელოთ მონიტორინგი.

მსოფლიოშიც, ევროპაშიც რელიგიურ დაწესებულებებს აქვთ, მათი მფარველობის ქვეშ არსებობს თავშესაფრები, იქნება ბავშვთა, მოხუცთა, თუ შშმ პირთა. აიტომ ეს აპრობირებული პრაქტიკაა, მთავარია, რომ სახლები შეესაბამებოდეს სტანდარტებს და იქ იყოს გადამზადებული პერსონალი, რომელსაც შეუძლია ბავშვებთან მუშაობა, მათი საქმიანობა იყოს გამჭვირვალე და ღია.

რაც შეეხება გადაკეთებას, სამომავლო განხილვის თემაა, ტერიტორიულად სად შეიძლება იყოს, არსებითად ახალი ტიპის საცხოვრებლებზე საუბარი, მაგრამ ეს არ ნიშნავს, რომ ავტომატურად, ვინც იქ არიან ბავშვები, ყველანი წავლენ. დარჩენილი ბავშვების საჭიროებები შეფასდება და მათი ინტერესებიდან გამომდინარე რაც საჭირო იქნება, ისე მიიღება გადანყვეტილებები.

ჩვენ არ გვქონია რაიმე არასასიამოვნო თემაზე საუბარი, არ ყოფილა არანაირი დაძაბულობა, ვეცადეთ, რომ დღეს ამოვიდეთ ბავშვების ინტერესებიდან გამომდინარე, რადგან დაძაბულობის გაღრმავება მათ აზიანებს, მათ ემოციურ და ფსიქოლოგიურ მდგომარეობაზე ცუდად მოქმედებს. იქედან გამომდინარე, რომ პოზიტიური ცვლილებები დაიწყო, და ვფიქრობ, სწორი მიმართულებით მიდის პროცესი, ახლა მნიშვნელოვანია, ვიფიქროთ, რა არის უკეთესი ბავშვებისთვის. მნიშვნელოვანია, რომ დღეს სოციალური აგენტები მუშაობენ და ყოველდღიურად ხდება ბავშვებთან მიმართებით გადანყვეტილებების მიღება. მნიშვნელოვანია, რომ ეს პროცესი გაგრძელდეს“, – განაცხადა ნინო ლომჯარიამ.

ltv.ge